



余于五月杪自都門歸聞桐鄉金氏書有散在坊間者即訪之得諸西  
山堂書凡五種宋刻者為孟浩然詩集錢果之離騷集傳雲莊四六  
餘話影宋鈔者為岳板孝經呂夏卿唐書直筆新例索白鑑六十四  
金急欲歸之而議價再三牢不可破卒以京板佩文韻府相易貼銀十  
四兩方得成此交易此孟浩然詩集即五種中之最佳而余亦斷不肯舍  
者也先是書友携此書來余取舊藏元刻劉須溪批點本手勘一過知彼  
此善惡奚啻霄壤非特強分門類不復合三卷原次序且脫所不當脫  
如歲晚歸南山作新唐書所云浩然自福所為詩也元刻在所缺詩中  
衍所不當衍如歲除夜有懷明知衆妙集中為崔塗詩也元刻在所收  
詩中去取果何據乎今得宋刻正之如撥雲覩青天至于此刻為南宋  
初刻類此版式唐人文集不下數十種余所藏者有劉隨州劉賓客  
余所見者有姚少監韓昌黎此皆有翰林國史院官書長方印然皆殘  
闕過半究不若此本之為全璧也得書之日忻幸無侶爰書此以著緣  
起近倩汪澣雲主政作續得書圖題此曰襄陽月夜益絕妙詩中畫景



云  
嘉慶辛酉冬孟九日書于太白樓下黃丕烈識



孟浩然詩集序

翰林宜城王士源撰書

孟浩然襄陽人也骨貌淑清風神散朗救患釋紛以立  
義灌園藝圃以全高交游之中通悅傾蓋機警無匿學  
不故儒務掇菁華文不按古匠心獨妙五言詩天下稱  
其盡善閑游祕省秋月新霽諸英聯詩次當浩然句曰  
微雲淡河漢疎雨滴梧桐舉座嗟其清絕咸以之筌筆  
不復爲綴丞相范陽張九齡侍御史京兆王維尚書侍  
郎河東裴肫范陽盧僎大理評事河東裴揔華法太守  
榮陽鄭倩之太守河東獨孤冊率與浩然爲忘形之交  
山南採訪使太守昌黎朝宗謂浩然閑深詩律實諸周  
行必詠穆如之頌因入秦與偕行先楊于朝約曰引謁





後期

不赴由是聞罷既而浩然不之悔也其好學忘名如此  
士源也時嘗筆讚之曰道濂挺靈寔生楚英浩然清發  
亦自其名開元二十八年王昌齡遊襄陽時浩然疾發  
背且愈得相歡飲浩然宴譙食鮮疾動終于南園年五  
十有子儀甫浩然每爲詩佇興而作故或遲成行不爲  
飾動求真適故以誕遊不利期以放情故常貧名劣繫  
於選部聚不盈飢室雖屢空不給自若也士源幼學好  
名山行年十八首事陵山恒岳咨術通玄丈人過蘇門  
問道隱者左知運太白習隱訣終南修亢倉九篇天寶  
四載徂夏詔書徵詣京兆府過與家臣八座討論山林  
之士麇至始知浩然物故嗟哉未祿於代史不必書安

可哲從妙韻從此而絕詳問使者所述論美行十不記  
一浩然凡所屬綴就輒毀棄無編錄常自嘆爲文不逮  
意也流落既多篇章散逸鄉里搆採不有其半數求四  
方徃徃而獲既無他士爲之傳次遂使海內衣冠縉紳  
經襄陽思覩其文蓋有不備見而惜哉今集其詩二百  
一十八首別爲士類分上中下卷詩或就未成而思清  
美及佗人訓贈咸次而不弃也





重序



宜城王士源者藻思清遠深鑒文理常遊山水不在人間著亢倉子數篇傳之於代予久在集賢常與諸學士命此子不可得見天寶中忽獲浩然文集乃士源撰爲之序傳詞理卓絕吟諷忘疲書寫不一紙墨薄弱昔虞坂之上逸駕與駑駘俱疲吳鼃之中孤桐與樵蘇共爨遇伯樂與伯喈遂騰聲於千古此詩若不遇王君乃十數張故紙耳然則王君之清鑒豈減孫蔡而已哉予今繕寫增其條目復士源之清才敢自述於卷首謹將此本送上  
秘府庶久而不泯傳芳無窮天寶九載正月初三日特進行太常卿禮儀使集賢院修撰上柱國沛國郡開國公韋 滔叙





孟浩然詩集標目

第一卷

詩

早發漁流潭

望廬山

宿天台桐栢觀

與諸子澄峴山

汎舟

登障樓

題大禹義公房

九日得新字

尋香山堪上人

雲門蘭若同遊

過吳張二子別業

登當陽城樓

楊子津望京口

峴山作

尋張子客顏處士

山潭



孟浩然字浩然





登梓亭

題空上人房

陪栢臺友

宿業師山房

漢中漾舟

耶溪泛舟

北澗浮舟

尋天台山

望廬山

贈鹿門山

題明禪師

舟中晚望

登總持浮圖

聽鄭五惜彈琴

戲贈裴迥

過故融公蘭若

陪張丞相祠

尋陳逸人故居

遊精思觀

登望楚山

石城寺禮拜

疾愈過龍泉精舍

與黃侍御泛舟

春晚絕句

美人分香

問舟子

夜歸鹿門寺

尋梅道士張逸人

陪姚使君

題永上人南亭

遊鏡湖

秋登張明府海亭

題融公蘭若

夏日浮舟

與張折衝遊寺

與白明府遊江

檀溪尋故人

梅道士水亭

岳陽樓

苔秦中苦雨思歸

秋日陪李侍御

九日於龍沙作

湖中旅泊

秦中感秋寄遠上人

大堤行寄黃七

陪張丞相登荊城樓

京還贈張淮

愛州李少府見贈



還山詒湛法師

宿永嘉江寄崔國輔

上巳日寄黃九

聞裴肱除豫州司戶

寄弟馨

秋登蘭山寄張五

入峽寄謔弟

醉後贈馬四

夜泊廬江

南還舟中寄袁太祝

寄廣陵舊遊

東陂遇雨

荆門上張丞相

題李十四莊

寄正字

行至汝墳寄盧徵君

寄天台道士

和宋大使北樓新

和張丞相對雪

登江中孤嶼

送鄭十三還京

第二卷

詩

寄劉隱士

和張明府登六門作

卧病寄張八

書懷貽京邑同好

碧溪谷

贈蕭少府

途中遇雪

同儲十二洛陽道

題就師山房

贈王九

題龍門山

上張吏部

和張判官

夜泊宣城界

歲暮海上作

宿武陽川

送張子容

汴江至武昌

夕次蔡陽館

他鄉七夕

夜泊牛渚

晚入南山



下贛石

越中逢天台太子

望漢川

自潯陽泛舟經明海

除夜逢張少府

度渡湘水

經七里灘

自洛之越

濟江問舟人

歸至郢中

赴京途中遇雪

戲題

南歸阻雪

久滯越中

途次

將適天台留別李主簿

卧疾畢太祝尋

送丁大鳳進士舉

送吳悅遊韶陽

送張子容進士舉

長安早春

送張叅明經舉

送張祥之房陵

送韓使君

東京留別諸公

適越留別

題長安主人壁

送莫氏外甥

送張去非

送桓子之郢城禮席

送李膺

送孟六歸襄陽二首

留別王侍御

送袁太祝尉豫章

都中送辛大

送新安張少府歸秦中

送朱入秦

早春潤州送從弟還鄉

送友人之京

留別裴劉二少府

送杜十四

峴亭餞房璋崔宗之

送袁十三

第三卷

詩



送謝錄事之越

江上別流人

送王七尉松滋

洛下送奚三還揚州

送辛大不及

送先公之鄂渚尋觀生

送王九之江左

高陽池送朱一上

送昌齡王君之

送崔遏

送盧少府

盧明府九日宴

登孔伯昭南樓

奉先張明府休沐還鄉

臨漢裴明府席

同集衛明府席

盧明府早宴

宴包二融宅

宴張記室宅

白雲先生迴歌曰

宴梅道士房

寒食張明府宅宴

襄陽公宅飲

韓大使東齋會諸學士

九日懷襄陽

初年樂城卧疾懷歸作

懷王大校書

早寒江上有懷

夏日南亭

除夜有懷

秋宵月下懷

閑園懷蘇子

傷峴雲表觀主

賦得盈盈樓上女

春意

憶孟六

憶張野人

南山與北老圃種瓜

田家元日

裴司士負司戶見尋

李少府再來

樵采作

仲夏歸漢南園

歲晚歸南山

尋張五

餞張郎中

送王吾昆季覲

澗南郎事貽皎上人



過融上人蘭若

李氏園卧疾

過故人

同曹三御史汎湖歸越

西山尋辛譚

陪張丞相登嵩陽樓

晚春

投寄裴侍御

登峴亭

送王宣從軍

送從弟邕下第

與王昌齡宴王十一

白雲先生見訪

田園作

期諸公不至

建德江宿

孟浩然詩集目錄終



孟浩然詩集卷上

詩

早發漁流潭

尋香山堪上人

晚泊潯陽望廬山

雲門蘭若同遊

宿天台桐栢觀

過吳張二子別業

與諸子登峴山

登當陽城樓

沅州

楊子津望京口

登障樓

峴山作

題大禹義公房

尋張子容顏處士

九日得新字

山潭

與薛司戶登梓亭

題空上人房

陪栢臺友

宿葉師山房





漢中漾舟

耶溪泛舟

北澗浮舟

尋天台山

彭蠡湖中望廬山

贈鹿門山

題明禪師

舟中晚望

登總持浮圖

聽鄭五惜彈琴

戲贈裴迥張叅軍

過景空寺故融公蘭若

陪張丞相祠

尋陳逸人故居

遊精思觀

登望楚山

石城寺禮拜

疾愈過龍泉精舍

與黃侍御泛舟

春晚絕句

美人分香

問舟子

夜歸鹿門寺

尋梅道士張逸人

陪姚使君

題永上人南亭

遊鏡湖

秋登張明府海亭

題融公蘭若

夏日浮舟

與張折衝遊寺

與白明府遊江

檀溪尋故人

梅道士水亭

岳陽樓

答秦中苦雨思歸

秋日陪李侍御

九日於龍沙作寄劉公

湖中旅泊寄閻昉

秦中感秋寄遠上人

大堤行寄黃七

陪張丞相登荊城樓

京還贈張淮

愛州李少府見贈

還山詒湛法師

宿永嘉江寄崔國輔

上巳日寄黃九

聞裴朮除豫州司戶



寄弟馨

秋登蘭山寄張五

入峽寄謔弟

醉後贈馬四

夜泊廬江

南還舟中寄袁太祝

寄廣陵舊遊

東陂遇雨

荆門上張丞相

題李十四莊

寄正字

行至汝墳寄盧徵君

寄天台道士

和宋大使北樓新

和張丞相對雪

登江中孤嶼

送鄭十三還京

早發漁流潭



東旭早光芒渚禽已驚聒卧聞漁浦口橈聲暗相撥日出氣象分始知江路闊美人常晏起照影弄流沫飲水

畏猿驚祭魚時見獺舟行自無悶况值晴景豁

尋香山堪上人

朝游訪名山山遠在空翠氛氲亘百里日入行始至杖策尋故人解鞍暫停騎石門殊豁陰篁徑轉深邃法侶欣相逢清談曉不寐平生慕真隱累日求靈異野老朝入雲山僧暮歸寺松泉多逸響苔壁饒古意谷口聞鍾聲林端識香氣願言投此山身世兩相棄

晚泊潯陽望廬山

挂席幾千里名山都未逢泊舟潯陽郭始見香爐峯嘗讀遠公傳永懷塵外蹤東林精舍近日暮但聞鍾

雲門蘭若與友人同遊

謂予游迷方逢子亦在野結交指松柏問法尋蘭若小



溪劣容舟石怪屢驚馬所居最幽絕所佳皆靜者雲族  
興座隅天空落階下上人亦何聞塵念俱已捨四禪合  
真如一切是虛假願承甘露潤意得惠風洒依此託山  
門誰知効丘也

宿天台桐栢觀

海行信風帆夕宿逗雲島緬尋滄洲趣近愛赤松好捫  
蘿亦踐苔輟棹恣探討息陰憇桐栢采秀弄芝草鶴唳  
清露垂鷄鳴信潮早願言解纓路從此無煩惱高步陵  
四明玄蹤得二老紛吾遠遊意樂彼長生道日夕望三  
山雲濤空浩浩

冬至後過吳張二子檀溪別業

卜築因自然檀溪更不穿園廬二友接水竹數家連直

與南山對非閑選地偏草堂時偃曝蘭棧日周旋外事  
情都遠中流性所便閑垂太公釣興發子猷舡余亦幽  
栖者經過竊慕焉梅花殘臘月柳色半春天鳥泊隨陽  
鴈魚藏縮項鱖停盃問山簡何似習池邊

與諸子登峴山

人事有代謝往來成古今江山留勝跡我輩復登臨水  
落魚梁淺天寒夢澤深羊公碑字在讀罷淚霑襟

陪張丞相登富陽城樓

放溜下松滋登舟命檝師詎忘經濟日不憚泛寒時洗  
幘豈獨古濯纓良在茲政成人自理機息鳥無疑雲物  
吟孤嶼江天辨四維晚來風稍急冬至日行遲獵響驚  
雲夢漁歌激楚詞渚宮何處是川暝欲安抵



陪廬明府汎舟迴作

百里行春返清流逸興多鷁舟隨鳥泊江火共星羅已  
救田家旱仍醫里化訛文章推後輩風雅激頽波高岸  
迷陵谷新聲滿棹歌猶怜不才子白首未登科

楊子津望京口

北固臨魚口夷山對海濱江風白浪起愁殺渡頭人

與顏錢塘登障樓望潮作

百里聞雷震鳴絃暫輟彈府中連騎出江上待潮觀照  
日秋空迥浮雲渤澥寬鷺濤來似雪一坐凜生寒

峴山作

石潭傍隈隩沙榜曉寅緣試垂竹竿釣果得查頭鱖美  
人騁金錯織手鱠江鮮因謝陸內史萼羹何足傳

題大禹義公房

義公習禪處結構依空林戶外一峯秀塔前群壑深夕  
陽照雨足空翠落庭陰看取蓮花淨應知不染心

尋白鶴崑張子容顏處士

白鶴青崑半幽人有隱居塔庭空水石井壑罷樵漁歲  
月青松老風霜苦竹疎覩茲懷舊業迴策返吾廬

九日得新字

初九未成旬重陽即此辰登高聞古事載酒訪幽人落  
帽恣歡飲授衣同試新茱萸正可佩折取寄情親

山潭

垂釣坐磐石水清心益閑魚行潭樹下猿挂島蘿間游  
女昔解佩傳聞於此山求之不可得泓月棹歌還



與杭州薛司戶登梓亭樓作

水樓一登眺半出青林高  
奔幕英寮敞芳筵下客叨  
山藏伯禹穴城墜五胥濤  
今日觀溟漲垂綸李釣鰲

題終南翠微寺空上人房

翠微終南裏雨後宜返照  
閑閑久沉冥杖策一登眺  
遂造幽人室始知靜者妙  
儒道雖異門雲林頗同調  
兩心相憇得畢景共談笑  
暝還高窓昏時見遠山曉  
緬懷赤城標更憶臨海嶠  
風泉有清音何必蘇門嘯

陪栢臺友共訪聰上人禪居

欣逢栢臺友共謁聰公禪  
石室無人到繩床見虎眠  
陰風常抱雪松澗爲生泉  
出處雖云異同歡在法筵

宿業師山房待丁公不至

夕陽度西嶺群壑倏已暝  
松月生夜涼風泉滿清聽  
樵人歸欲盡煙鳥栖初定  
之子期宿來孤琴候蘿徑

初春漢中漾舟

漾舟逗何處神女漢皋曲  
雪罷冰復開春潭千丈綠  
傾杯魚鳥醉得句煙花續  
波影搖伎釵沙光動人目

耶溪汎舟

落景餘清輝輕棹弄溪渚  
澄明愛水物臨泛何容與  
白首垂釣翁新粧浣沙女  
看看未相識脉脉不得語

北澗浮舟

北澗流常滿浮舟觸處通  
泓洄自有趣何必五湖中

尋天台山

吾友太一子浪霞卧赤城  
欲尋華頂去不憚惡溪名  
歇



馬憑君宿楊帆截海行高高翠微裏遙見石橋橫

彭蠡湖中望廬山

太虛生月暈舟子知天風挂席候明發渺漫平湖中中  
流見遙島勢壓九江雄駘觀容霽色崢嶸當曙空香爐  
初上日曝布噴成虹夕欲追向子况茲懷遠公我來限  
于役未暇息微躬淮海途將半星霜歲欲窮寄言嵒栖  
者畢趣當來同

題鹿門山

清曉因興來乘流越江峴沙禽近初識浦樹遙莫辨漸  
到鹿門山山明翠微淺嵒潭多屈曲舟楫屢回轉昔門  
龐德公採藥遂不返金澗餌芝木石牀卧苔蘚紛吾感  
耆舊結纜事攀踐隱迹今尚存高風邈已遠白雲何時

去丹桂空偃蹇探討意未窮迴艇夕陽晚

題明禪師西山蘭若

西山多奇狀秀出倚前楹停午收彩翠夕陽照分明吾  
師位其下禪坐證無生結廬就嵌窟剪芳通往行談空  
對樵叟授法與山精日暮方辭去田園歸治城

舟中晚望

挂席東南望青山水國遙舳舻爭利涉來往接風潮問  
我今何去天台訪石橋坐看煙霞晚疑是赤城標

登摠持浮圖

半空躋寶塔時望盡京華竹遶渭川徧山連上苑斜四  
郊開帝宅行陌迥人家坐覺諸天近空香逐落花

聽鄭五惜彈琴



阮藉推名飲清風滿竹林半酣下衫袖拂拭龍脣琴一杯彈一曲不覺夕陽沉余意在山水聞之諧夙心

從張丞相遊南紀城獵戲贈裴迥張參軍

從禽非吾樂不好雲夢田歲暮登城望偏令鄉思懸公卿有幾幾車騎何翩翩世祿金張貴官曹幕府連順時行殺氣飛刃爭割鮮十里屆賓館微聲匝伎筵高標迴落日平楚散芳煙何意狂歌客從公亦在旃

過景空寺故融公蘭若

池上青蓮宇林間白馬泉故人成異物過憇獨潛然既禮新松塔還尋舊石筵平生竹如意猶挂草堂前

陪張丞相祠紫蓋山述經王泉寺

望秩宣王命齋心待漏行春衿列冑子從事有叅卿五

馬尋歸路雙林拍化城聞鍾度門近照膽王泉清皂蓋依松憇緇徒擁錫迎天宮上堯率沙界豁迷明欲就終焉志先聞智者名人隨遊水歿止欲覆舡傾想像若一眼周流空復情謝公還欲卧誰與濟蒼生

尋陳逸人故居

人事一朝盡荒蕪三徑休始聞漳浦卧奄作岱宗遊池水猶含墨風雲已落秋今宵泉壑裏何處覓藏舟

遊精思觀迴王白雲在後

出谷未停午至家日已曛迴瞻下山路但見牛羊群樵子暗相失草虫寒不聞衡門猶未掩佇立望夫君

登望楚山最高頂

山水觀形勝襄陽美會稽最高唯望楚曾未一攀躋石



壁疑削成衆山比全仵清明試登陟目極無端倪雲夢  
掌中小武陵花處迷暝還歸騎下蘿月映深溪

臘八日於郟縣石城寺禮拜

石壁開金像香山倚鐵圍下生彌勒見迴向一心歸竹  
栢禪庭古樓臺世界稀夕嵐增氣色餘照發光輝講席  
邀談柄泉堂施浴衣願從功德水從心灌塵機

疾愈過龍泉精舍呈易業二公

停午聞山鍾起行送愁疾尋林採芝去谷轉松翠密傍  
見精舍開長廊飭僧畢石渠流雪水金子曜霜橘竹房  
思舊遊過憇終永日入洞窺石髓傍崖采蜂蜜日暮辭  
遠公虎溪相送出

與黃侍御北津汎舟

津無蛟龍患日久常安流本欲避駉馬何如同鷁舟豈  
伊今日幸曾是昔年遊莫奏琴中鶴且隨波上鷗堤緣  
九里郭山面百城樓自顧躬耕者才非管樂儔聞君薦  
草澤從此泛芳州

春晚絕句

春眠不覺曉處處聞啼鳥夜來風雨聲花落知多少

美人分香

艷色本傾城分香更有情  
騷垂欲解眉黛拂能輕舞  
李平陽態歌翻子夜聲  
春風狹斜道含笑待逢迎

問舟子

向夕問舟子前程無幾多  
灣頭正好泊淮裏足風波

夜歸鹿門寺



山寺鳴鍾晝已昏  
漁梁渡頭爭渡喧  
人隨沙路向江村  
予亦乘舟歸鹿門  
鹿門月照開煙樹  
忽到龐公棲隱處  
樵經非遙長寂寥  
唯有幽人夜來去

尋梅道士張逸人

彭澤先生柳山陰  
道士鵝我來從此好  
停策漢陰多重  
以窺魚樂因之鼓枻歌  
崔徐迹未朽千載揖清波

陪姚使君題惠上人房

帶雪梅初暖含煙柳尚青  
平窺童子偈得聽  
法王經會理知無我  
觀空馱有形迷心應覺  
悟客思未皇寧

春晚題永上人南亭

給園支遁隱虛寂  
養身和春晚群木秀  
閑閑黃鳥歌林栖良士  
竹池養右軍鵝炎月北  
窓下清風期再過

與崔二十一遊鏡湖寄句賀

試覽鏡湖物中流到底清  
不知鱸魚味但識鷗鳥情  
帆得樵風送春逢穀雨晴  
特尋夏禹穴稍背越王城  
守祿有包子文章推賀生  
滄浪醉後唱因此寄同聲

秋登張明府海亭

海亭秋日望委曲見江山  
染翰卧題壁傾壺一破顏  
歌逢彭澤令歸賞故園間  
余亦將琴史棲遲共取閑

題融公蘭若

精舍買金開流泉遶砌迴  
芰荷薰講席松柏映香臺  
法雨晴霏去天花晝下來  
談玄殊未已歸騎夕陽催

夏日浮舟過張逸人別業

水高涼氣多閑掉晚來過  
澗影見松竹潭香聞芰荷  
野



童扶醉舞山妓笑酣歌幽賞天云徧煙光邨夕何

與張折衝遊著闍寺

釋子弥天秀將軍武庫才  
橫門塞北盡獨步漢南來  
貝葉傳金口山樓作賦開  
因君振嘉藻江楚氣雄哉

與白明府遊江

故人來自遠邑宰復初臨  
執手恨爲別同舟無異心  
公洄洲渚趣行漾絃歌音  
誰爲躬耕者年年梁甫吟

檀溪尋故人

花伴成龍竹池分躍馬溪  
田園人不見疑向洞中棲

梅道士水亭

傲吏非凡吏名流即道流  
隱居不可見高論莫能酬  
水接仙源近山藏鬼谷幽  
再來迷處所花下問漁舟

岳陽樓

八月湖水平含虛混太清  
氣蒸雲夢澤波動岳陽城  
欲濟無舟楫端居耻聖明  
坐觀垂釣者空有羨魚情

荅秦中苦雨思歸而索左丞賀侍郎

苦季三十載閉門江漢陰  
用賢遭聖日羈旅屬秋霖  
豈直昏墊苦亦爲權勢沉  
二毛催白髮百鎰罄黃金  
淩憶峴山墮愁懷湘水深  
謝公積憤懣覆馬空謠吟  
躍馬非吾事狎鷗宜我心  
寄言當路者去矣北山岑

秋日陪李侍御渡松滋江

南紀西江闊皇華御史雄  
截流寧假楫挂席自生風  
寮案爭攀鷁魚龍亦避駟  
坐聽白雪唱翻入掉歌中

九日於龍沙作寄劉



龍沙豫章北九日挂帆過風俗因時見湖山發興多客  
中誰送酒棹裏自成歌歌竟乘流去滔滔任夕波

湖中旅泊寄閻昉

桂水通百越扁舟期晚發荆雲閉三巴夕望不見家  
裏王夢行兩才子謫長沙長沙饒瘴厲胡爲久留滯  
久別思欸顏承歡懷接袂接袂杳无由徒增旅泊愁  
清猿不可聽公月上湘流

秦中感秋寄遠上人

一丘常欲卧三徑苦無資北土非吾願東林懷我師  
黃金燃桂盡壯志逐年衰日夕涼風至聞蟬但欲悲

大堤行寄黃七

大堤行樂處車馬相馳突歲二春草生踏青三兩日王

孫挾珠彈游女矜羅襪携手今莫同江花爲誰發

陪張丞相登荆城樓同寄荊州張史君

荊州天北畔銅柱日南端出守聲弥遠收荒法未寬  
側身聊倚望携手莫同歡白壁無瑕玷青松有歲寒  
府中丞相閣江上使君灘興盡迴舟去方知茲路難

京還贈張淮

拂衣何處去高枕南山南欲徇五斗祿其如七不堪  
早朝非晚起束帶異抽簪因向智者說遊魚思舊潭

愛州李少府見贈

養疾衡簷下由來浩氣真五行將禁火十步任尋春  
致敬唯桑梓邀歡即主人迴看後凋色青翠有松筠

還山詒湛法師



幼聞無生理常欲觀此身心迹罕兼逐崎嶇多在塵晚  
塗歸舊壑偶與支公隣道以微法妙結爲清淨因煩惱  
業頓捨山杖情轉殷朝來問疑義夕話歸清真墨妙稱  
今絕詞華驚世人竹房閑虛靜花藥連冬春平石藉琴  
硯落泉洒衣巾欲知明滅意朝夕海鷗馴

宿永嘉江寄山陰崔少府國輔

我行窮水國君使入京華相去日千里孤帆天一涯卧  
聞海潮至起視江月斜借問同舟客何時到永嘉

上巳日洛中寄黃九

卜洛成周地浮杯上巳筵鬪雞寒食下走馬射堂前垂  
柳金堤合平沙翠幕連不知王逸少何處會群賢

聞裴肫司戶除豫州司戶因以投贈

春堤楊柳發憶與故人期草木本無性榮枯自有時山  
陰定遠近江上日相思不及蘭亭會空吟祓禊詩

寄弟聲

獻策金門去承歡彩服違以吾一日長念尔聚星稀昏  
定須溫席寒多未授衣桂枝如可擢早逐鴈南飛

秋登蘭山寄張五

北山白雲裏隱者自怡悅相望試登高心飛逐鳥滅愁  
因薄暮起興是清境發時見歸村人沙行渡頭歇天邊  
樹若薺江畔洲如月何當載酒來共醉重陽節

入峽寄舍弟

吾昔與尔輩讀書常閉門未嘗冒湍險豈顧垂堂言自  
此歷江湖辛勤難具論往來行旅弊開鑿禹功存壁直



千嵒峻淙流萬壑奔我來九幾宿無夕不聞猿浦上思  
歸戀舟中失夢魂淚霑明月峽心斷鵲鴿原離闊星難  
聚秋深露已繁因君下南楚書此示鄉園

醉後贈馬四

四海重然諾吾嘗聞白眉秦城游俠窟相得半酣時  
夜泊廬江聞故人在東寺以詩寄之

江路經廬阜松門入虎溪聞君尋寂樂清夜宿招提石  
鏡山精怯禪枝怖鵲栖一燈如悟道爲照客心迷

南還舟中寄袁太祝

汭汭非便習風波獸苦辛忽聞遷谷鳥來報五陵春嶺  
北迴征棹巴東聞故人花源何處是遊子正迷津

宿廬江寄廣陵舊遊

山暝聞猿愁蒼江急夜流風鳴兩岸葉月照一孤舟建  
德非吾土維陽憶舊遊還將兩行淚遙寄海西頭

東陂遇雨率尔貽謝甫池

田家春事起丁壯就東陂隱隱雷聲作森森雨足垂海  
虹晴始見河柳濕初稀予意在耕鑿問君田事宜

荆門上張丞相

共理分荆國招賢愧楚材召南風更聞丞相閣還開觀  
止忻眉睫沉淪拔草萊坐登徐孺榻頻接李膺杯始慰  
蟬鳴稻俄看雪間梅四時云籥盡千里客程催日下瞻  
歸翼沙邊獸曝腮仲聞宣室召星象列三台

題李十四莊兼贈母校書

聞君息陰地東郭柳林間左右瀍澗水門庭緱氏山抱



琴來取醉垂釣坐乘閑歸客莫相待尋源殊未還

寄正字

正字芸香閣經過宛如昨幽人竹素園歸卧寂無喧高  
鳥能擇木羝羊謾觸藩物情今已見從此欲無言

行至汝墳寄盧徵君

行之憇余駕依然見汝墳洛川方罷雪嵩嶂有殘雲曳  
曳半空裏明明五色分聊題一時興因寄盧徵君

寄天台道士

海上求仙客三山望幾時焚香宿華頂晝露采靈芝屢  
躡莓苔滑將尋汗漫期儻因松子去長與世人辭

和宋大使北樓新

返耕意未遂日夕登城隅誰謂山林近半爲符竹拘麗

樵非改作軒檻是新圖遠水自嶠家長雲吞具區願爲  
江燕賀羞逐府寮趨欲識狂歌客丘園一豎儒

和張丞相春朝對雪

迎氣當春至承恩喜雪來潤從河漢下花逼艷陽開不  
覩豐年瑞焉知變理才散蓋如可擬便糝和羹梅

登江中孤嶼話白雲先生

悠悠清江水水落沙嶼出迴潭石下深綠篠岸邊密蛟  
人潛不見漁父自歌逸憶與君別時汎舟如昨日夕陽  
門返照中坐興非一南望鹿門山歸來恨如失


和盧明府送鄭十三還京兼寄之什

昔時風景登臨地今日衣冠送別筵醉坐自傾彭澤酒  
思歸長望白雲天洞庭一葉驚秋早漠落空嗟滯江島



寄語朝廷當世人何時重見長安道


孟浩然詩集卷上




依新民法已切不賤賤能收押品拍賣有  
解仍交與債權人不立向我余未查新民法實  
此押款不交上當然此亦法所實便或千五元之  
今已三年合奉利已過式千伍元之拍賣亦不付彼  
方美既語供五也真

署註明七年五元之款七年奉  
利方合成立此時不發生手













孟浩然詩集卷中

詩

寄劉隱士

和張明府登六門作

晚春卧病寄張八

書懷貽京邑同好

同張明府碧溪荅

贈蕭少府

和張二途中遇雪

同儲十二洛陽道

題就師山房

贈王九

題龍門山

上張吏部

和張判官

夜泊宣城界

歲暮海上作

宿武陽川

送張子容

沂江至武昌

夕次蔡陽館

他鄉七夕



夜泊牛渚

晚入南山

下贛石

越中逢天台太子

出竹東山望漢川

自潯陽汎舟經明海

除夜逢張少府

度渡湘水

經七里灘

自洛之越

濟江問舟人

歸至郢中

赴京途中遇雪

戲題

南歸阻雪

父滯越中

途次

將適天台留別李主簿

卧疾畢太祝尋

送丁大鳳進士舉

送吳悅遊韶陽

送張子容進士舉

長安早春

送張參明經舉

送張祥之房陵

送韓使君

東京留別諸公

適越留別

題長安主人壁

送莫氏外生兼諸昆季

送張去非遊巴東

送桓子之郢城禮

送李膺

送孟六歸襄陽二首

留別王侍御

送袁太祝尉豫章

都中送辛大

送新安張少府歸秦中

送朱入秦

早春潤州送從弟還鄉

送友人之京少府

留別裴劉二少府

送杜十四

峴亭餞房璋崔宗之

送袁十三南尋舍弟

宿楊子津寄潤洲長山劉隱士





所思在建業欲往大江深日夕望京口煙波愁我心  
馳茅山洞目極楓樹林不見少微星風霜徒夜吟

和張明府登六門作

忽示登高作能寬旅寓情絃歌既多暇山水思微清  
得風光動虹因雨氣成謬承巴俚和非敢應同聲

晚春卧病寄張八

南陌春將晚北窓猶卧病林園久不遊果木一何盛  
狹徑花將盡閑庭竹掃淨翠羽戲蘭苕鱗動荷柄念我  
平生好江鄉遠從政雲山阻夢思衾枕勞歌詠歌詠復  
何爲同心恨別離世途皆自媚流俗寡相知賈誼才空  
逸安仁鬢欲垂遙情每東注奔畧復西馳常恐填溝壑  
无由振羽儀窮通若有命欲向論中推

書懷貽京邑同好

唯先自鄒魯家世重儒風詩禮襲遺訓趨庭霑末躬  
晝夜恒自強詞翰頗亦工三十既成立吁嗟命不通  
慈親向羸老憊懼在深衷甘脆朝不足簞瓢夕屢空  
執鞭慕夫子捧檄懷毛公感激遂彈冠安能守固窮  
當途訴知己投刺匪求蒙秦楚邈離異翻飛何日同

同張明府碧溪答

別業聞新制同聲應者多還看碧溪答不羨綠珠歌  
自有陽臺女朝朝拾翠過綺筵鋪錦綉粧幃閉滕蘿  
秋滿休閑日春餘景氣和仙鳬能作伴羅襪共凌波  
曲島尋花菜迴潭折芰荷更怜斜日照紅粉艷青娥

贈蕭少府



上德如流水安仁道若山聞君秉高節為得奉清顏鴻  
漸升台羽牛刀列上班處臆能不潤居劇幹常閑去詐  
人無諂除邪吏息奸欲知清與潔明月在澄灣

和張二自穰縣還途中遇雪

風吹沙海雪漸作柳園春宛轉隨香騎輕盈伴玉人歌  
疑郢中客態比洛川神今日南歸楚雙花似入秦

同儲十二洛陽道

珠彈繁華子金羈遊俠人酒酣白日暮走馬入紅塵

同王九題就師山房

晚憩支公房故人逢右軍軒空避炎暑翰墨動斯文竹  
閉窗裏日雨隨堦下雲周旋清陰遍吟卧夕陽曛江淨  
棹歌歇溪深樵語聞歸途未忍去携手戀清芬

贈王九

日暮田家遠山中忽以淹歸人須早去樵子望陶潛

題龍門山寄越府包戶曹徐起居

我行適諸越夢寐懷所歡夕負獨往願今來恣游盤台  
嶺踐磴石耶溪汧林湍捨舟入香界登閣越旃檀晴山  
秦望近春水鏡湖寬遠懷佇應接卑位徒勞安白雲日  
夕滯滄海去還觀故園眇天末良朋在朝端遲尔同携  
手何時方挂冠

上張吏部

公門世緒昌才子冠裴王出自平津邳還為吏部郎神  
仙餘氣色列宿炳輝光夜入南宮靜朝遊北禁長時人  
窺水鏡明主賜衣裳翰苑飛鸚鵡天池待鳳凰



和張判官登萬山亭因贈洪府都曹韓

韓公是襄士日賞城西岑結構意不淺崑潭趣轉深皇  
華一動詠荆國幾遙吟舊徑蘭勿剪新堤柳欲陰砌傍  
餘恠石沙上有閑禽自牧豫章郡空瞻楓樹林因聲寄  
流水善聽在知音著舊眇不接崔徐無處尋物情多貴  
遠賢俊豈無今遲尔長江暮澄清一洗心

夜泊宣城界

西塞泝江島南陵問驛樓平湖津濟闊風止客帆收去  
去懷前事茫茫汎夕流石逢羅刹礙山泊敬亭幽火識  
梅根治煙迷楊菜洲離家復水宿相伴賴沙鷗

歲暮海上作

仲尼旣云没予亦浮于海昏見斗柄迴方知歲星改虛

舟任所適垂釣非所待爲問乘查久滄洲復何在

宿武陽川

川暗夕陽盡孤舟泊岸初嶺猿相叫嘯潭嶂似空虛就  
枕減明月扣舡聞夜漁鷄鳴問何處人物是秦餘

永嘉上浦館送張子容

逆旅相逢處江村日暮時衆山遙對酒孤嶼共題詩  
廨宇隣鮫室人煙接島夷鄉關萬餘里失路一相悲

汴江至武昌

家本洞湖上歲時歸思催客心徒欲速江路苦迢迢殘  
凍因風解新正度鴈開行看武楊柳鬢歸映陽臺

夕次蔡陽館

日暮馬行疾荒城人住稀聽歌知近楚投館忽如歸魯



堰田疇廣章陵氣色微明朝拜嘉慶須耆老萊衣

他鄉七夕

他鄉逢七夕旅館益羈愁不見穿針婦空懷故國樓  
風初減熱新月始臨秋誰忍窺河漢迢迢問斗牛

夜泊牛渚赴錢八不及

星羅牛渚宿風退鷁舟遲浦淑常同宿煙波忽問之  
榜歌空裏失舡火望中疑明發汎潮海茫茫何處期

晚入南山

瘴氣曉氛氲南山復水雲鯢飛今始見鳥墮舊來聞  
地接長沙近江從泊渚分賈生曾吊屈子亦痛斯文

下贛石

贛石三百里汭澗千嶂間沸聲常浩浩洑勢亦潺潺  
跳

沫魚龍沸垂藤猿狖攀傍人苦奔峭而我忘險艱放溜  
情深愜登臚目自閑維何處宿遙指落星彎

越中逢天台太子

仙穴逢羽人停臚向前拜問余涉風水何處遠行邁  
登陸尋天台順流下吳會茲山夙所尚安得問靈恠  
上通青天高俯臨滄海大鷄鳴見日出每與神仙會  
往來赤城中逍遙白雲外莓苔異人間瀑布當空界  
福庭長自然華頂舊僂最永比從之遊何當濟所屆

行出竹東山望漢川

異日分吾土連山盡綠篁平田出郭少盤坂入雲長  
萬壑歸千漢千峯劃彼蒼猿聲亂楚峽人語帶巴鄉  
石上攢椒樹藤間綴密房雪餘春未暖嵐解晝初陽  
征馬疲



登頓歸帆愛渺茫坐欣沿溜下信宿見維桑

自潯陽汎舟經明海

大江分九流淼淼成水鄉舟子乘利涉往來至潯陽因之汎五湖流浪經三湘觀濤壯枚發弔屈痛沅湘魏闕心恒在金門詔不忘遙怜上林鴈冰判已迴翔

除夜樂城逢張少府作

雲海汎鷗閩風潮泊鳥濱何知歲除夜得見故鄉親予是乘桴客君爲失路人平生復能幾一別十餘春

夜渡湘水

客舟貪利涉闇裏渡湘川露氣聞芳杜歌聲識采蓮榜人投岸火漁子宿潭煙行侶時相問潯陽何處邊

經七里灘

子奉垂堂誠千金非所輕爲多山水樂頻作泛舟行五嶽追何子三湘弔屈平湖經洞庭闊江入新安清復聞嚴陵瀨乃在茲湍路疊嶂數百里泂泂非一趣彩翠相氛氲別流亂奔注釣磯平可坐苔磴滑難步猿飲石下潭鳥還日邊樹觀竒恨來晚倚棹惜將暮揮手弄潺湲從此洗塵慮

自洛之越

遑遑三十載書劍兩無成山水尋吳越風塵厭洛京扁舟泛湖海長揖謝公卿且樂杯中物誰論世上名

濟江問舟人

潮落江平未有風扁舟共濟與君同時時引領望天末何處青山是越中



歸至郢中

遠遊經海嶠返棹歸山阿日夕見喬木鄉閭在伐柯愁  
隨江路盡意入郢門多左右看桑上依然即匪他

赴京途中遇雪

迢遞秦京道蒼茫歲暮天窮陰連晦朔積雪滿山川落  
鴈迷沙渚飢鷹集野田客愁空佇立不見有人煙

戲題

客醉眼未起主人呼解醒已言鷄黍熟復說甕頭聲

南歸阻雪

我行滯宛許日夕望京豫曠野莽茫茫鄉山在何處孤  
煙村際起歸鴈天邊去積雪覆平皇飢鷹捉寒兔少年  
弄文墨屬意在章句十上耻還家徘徊守歸路

久滯越中貽謝甫池稽賀少府

陳平無產業尼父倦東西負郭共云翳問津今亦迷未  
能忘魏闕空北滯秦稽兩見夏雲起再聞春鳥啼懷仙  
梅福市訪舊若耶溪聖主賢爲寶君何隱遁栖

途次

客行愁落日鄉思重相催况在他山外天寒夕鳥來雪  
深迷郢路雲暗失陽臺可嘆恓惶子高歌誰爲媒

將適天台留別臨安李主簿

枳棘君尚栖匏瓜吾豈繫誰念離當夏淡泊指炎裔江  
海非隳游田園失歸計空山旣早發漁浦亦宵濟汎汎  
隨波瀾行行任艫柁故林日已遠群木坐嚴翳羽人在  
丹丘吾亦從此逝



家園卧疾畢太祝曜見尋

伏枕舊遊曠筵簷勞夢思平生重交結迨此令人疑冰  
室無暖氣炎雲空赫曦隙駒不暫駐日聽涼蟬悲壯圖  
哀未立班白恨吾衰夫子自南楚緬懷嵩汝期顧子衡  
茅下兼致稟物資脫分趨庭禮殷勤伐木詩脫君車前  
鞅設我園中葵斗酒湏寒興明朝難重持

送丁大鳳進士舉

吾觀鵠鵠賦君負王佐才惜無金張援十上空歸來弃  
置鄉園老翻飛羽翼催故人今在位歧路莫遲迴

送吳悅遊韶陽

五色怜鳳鷄南飛適鷓鴣楚人不相識何處求神梧去  
去日千里茫茫天一隅安能與尺鷃決起但槍榆

送張子容進士舉

夕曛山照滅送客出柴門惆悵野中別殷勤歧路言茂  
林余偃息喬木尔飛翻無使谷風誚湏令友道存

長安早春

關戍唯東井西城起北辰咸歌太平日共樂建寅春雪  
盡青山樹冰開黑水濱草迎金埒馬花伴玉樓人鴻漸  
看無數鶯聲聽欲頻何當遂榮擢歸及柳條新

送張參明經舉兼向涇川觀省

十五絲衣年承歡慈母前孝廉因歲貢懷橘向秦川四  
座推文舉張郎許仲宣汎舟江上別誰不仰神仙

送張祥之房陵

我家南渡頭慣習野人舟日夕弄清淺材端逆上流上



流據形勝天地生豪酋君意在利往知音期自投

送韓使君除洪州都曹韓公父嘗爲襄州使  
述德撫荆衡分符襲寵榮往來看擁傳前後賴專城勿  
剪棠猶在波澄水更清重領江漢治旋改豫章行邵父  
多遺愛羊公有令名衣冠列祖道耆舊擁前程峴首晨  
風接廣陵夜火迎無才慙孺子千里愧同聲

東京留別諸公

吾道昧所適驅車還向東主人開舊館留客醉新豐樹  
繞溫泉綠塵遮晚日紅拂衣從此去高步躡華嵩

適越留別譙縣張主簿申少府

朝乘汴河去返次譙縣界幸值西風吹得與故人會君  
幸梅福隱吾從伯鸞適別後能相思浮雲在吳會

題長安主人壁

久廢南山田叨陪東閣賢欲隨平子去猶未獻甘泉枕  
藉琴書滿褰帷遠岫連我來如昨日庭樹忽鳴蟬促織  
驚寒女秋風思長年授衣當九日無褐竟誰怜

送莫氏外生兼諸昆季從馬入西軍

念尔習詩禮未嘗違戶庭平生早偏露萬里更飄零坐  
弃三牲養行觀八陣形飾裝辭故里謀策赴邊廷壯志  
吞鴻鵠遙心伴鵲鳩所從文與武不戰自應寧

峴山送張去非遊巴東

峴山南郭外送別每登臨沙岸江村近松門山寺深一  
言余有贈三峽尔將尋祖席宜城酒征途雲夢林蹉跎  
遊子意眷戀故人心去矣勿淹滯巴東猿夜吟



送桓子之郢城禮

聞君馳絲騎蹀躞拍荆衡爲結潘陽好言過鄢郢城標  
梅詩有贈羔鴈禮將行今夜神仙女往來夢感情

送李膺

舊國余歸楚新年子北征挂帆愁海路分手戀明情日  
夕故園意汀洲春草生何時一盃酒重與李膺傾

送孟六歸襄陽二首

張子容

東越相逢地西亭送別津風濤看解纜雲海去愁人鄉  
在桃林岸山連楓樹春因懷故園意歸向孟家隣

又

杜門不復出久與世情疎以此爲長策勸君歸舊廬醉  
歌田舍酒笑讀古人書好是一王事無勞獻子虛

留別王侍御

寂寂竟何待朝朝空自歸欲尋芳草去惜與故人違當  
路誰相假知音世所稀祇應守索寞還掩故園扉

送袁太祝尉豫章

何幸遇休明觀光來上京相逢武陵客相送豫章行隨  
牒牽黃綬離群會墨卿江南佳麗地山水舊難名

都中送辛大

南國辛居士言歸舊竹林未逢調鼎用徒有濟川心余  
亦忘機者田園在漢陰因君故鄉去還寄式微吟

送新安張少府歸秦中

試登秦嶺望秦川遙憶清明春可怜仲月送君從此去  
瓜時須及邵平田



送朱入秦

遊人五陵去寶劍直千金分手脫相贈平生一片心

早春潤州送從弟還鄉

兄弟遊吳國庭闈戀楚關已多新歲感更饒白眉還歸  
汎西江水離筵北固山鄉園欲有贈梅柳看先攀

送友人之京

君登青雲去余望青山歸雲山欲此別淚濕薜蘿衣

遊江西上留別富陽裴劉二少府

西上游江西臨流溫解携千山疊成嶂萬水寫爲溪石  
淺流難注藤長險亦躋誰怜問苦勞歲晏此中栖

送杜十四

荆吳日接水鳥鄉君去春江正渺茫日暮征帆泊何處

天涯一望斷人腸


峴亭餞房璋崔宗之

貴賤生年隔軒車是日來清陽一觀止雲路豁然開祖  
道衣冠列分亭驛騎催方期九日聚還待二星迴

送索十三南尋舍弟

早聞牛渚詠今日鵲鷁心羽翼嗟零落悲鳴別故林蒼  
梧白雲遠空水洞庭深萬里獨飛去南風遲尔音

孟浩然詩集卷中







孟浩然詩集卷下

詩

送謝錄事之越

江上別流人

送王七尉松滋

洛下送奚三還楊州

送辛大不及

送先公之鄂渚尋觀生

送王九之江左

高陽池送朱一

送昌齡王君之

送崔遏

送盧少府使入秦

盧明府九日宴

夜登孔伯昭南樓

奉先張明府休沐還鄉

臨潯裴明府席

與崔二十一集衛明府席

盧明府早宴

宴包二融宅

宴張記室宅

白雲先生迴歌曰



宴梅道士房

寒食張明府宅宴

襄陽公宅飲

韓大使東齋會諸學生

途中九日懷襄陽

初年樂城卧疾懷歸作

懷王大校書

早寒江上有懷

夏日南亭懷辛大

除夜有懷

秋宵月下懷

閑園懷蘇子

傷峴雲表觀主

賦得盈盈樓上女

春意

憶孟六

憶張野人

南山與卜老圃種瓜

田家元日

裴司空員司戶見尋

李少府楊九再來

樵采作

仲夏歸漢南園

歲晚歸南山

尋張五

餞張郎中

送王吾良季覲

澗南郎事贈皎上人

過融上人蘭若

李氏園卧疾

過故人莊

同曹三御史汎湖歸越

西山尋辛諤

陪張丞相登嵩陽樓

晚春

投寄裴侍御

登峴亭寄張少府

送王宣從軍

送從弟邕下第

與王昌齡宴王十一

白雲先生見訪

田園作

上巳期諸公不至

建德江宿

送謝錄事之越

清旦江天迥涼風西北吹白雲向吳會征帆亦相隨想



到耶溪日應採禹穴奇仙書儻相示子在此山陲

江上別留人

以我越鄉里逢君謫居者分飛黃鵠樓流落蒼梧野驛使乘雲去征帆汭溜下不知從此分還袂何時把

送王七尉松滋得陽雲臺

君不見巫山神女作行雲霏虹沓翠曉氛氲嬋娟流入楚王夢倏忽還隨零雨分空中飛去復飛來朝朝暮暮下陽臺愁君此去爲仙尉便逐行雲去不迴

洛下送奚三還揚州

水國無邊際舟行共使風羨君從此去朝夕見鄉中余亦離家久南行恨不同音書若有問江上會相逢

送辛大不及

送君不相見日暮獨愁緒江上獨徘徊天邊迷處所郡邑經樊鄧山河入嵩汝蒲輪去漸遙石徑徒延佇

送先公之鄂渚尋觀生

桃花春水漲之子忽乘流峴下離蛟浦江中間鶴樓贈君青竹杖送尔白蘋羞應是神仙子相逢作漫遊

鸚鵡州送王九之江左

昔登江上黃鶴樓遙愛江中鸚鵡洲洲勢逶迤還碧流鶩鴛鷺滿灘頭灘頭沙磧長矓矓

舟人牽錦纜浣女結羅裳月明全見蘆花白風起遙聞杜若香君子來來莫相忘

高陽池送朱一

嘗昔襄陽雄盛時山公恒醉習家池池邊釣女自相隨



裝成照影竟來窺紅波淡淡芙蓉發綠岸彬彬楊柳垂  
一朝物變人亦非四面荒涼人徑稀意氣豪華何處去  
空餘草露濕征衣此地朝來餞行者翻向此中牧征馬  
征馬分飛日漸斜見此空爲人所嗟殷勤爲訪桃源路  
子亦歸來松子家

送昌齡王君之嶺南

洞庭去遠近楓葉早經秋峴首羊公愛長沙賈誼愁土  
毛無縞紵鄉味有查頭已抱沉痾疾更貽魑魅憂數年  
同筆硯茲夕間袞裯意氣今何在相思望斗牛

送崔遏

別館當虛敞離情任吐申因聲兩京舊誰念卧漳濱片  
玉來誇楚治中作主人江山增潤色詞賦動陽春

送盧少府使入秦

楚關望春國相去千里餘州縣勤王事山河轉使車祖  
筵江上別離恨別前書願及芳年賞矯鸞二月初

盧明府九日宴素使君張郎中崔員外

宇宙誰開闢江山此鬱盤登臨今古用風俗歲時觀地  
理荊州分天涯楚客寬百城今刺史華省舊郎官共美  
重陽節俱懷落帽歡酒邀彭澤載琴輟武城彈獻壽先  
浮菊尋幽或坐蘭煙虹鋪藻麗松竹挂衣冠叔子神如  
在山公興欲闌傳聞騎馬醉還向習池看

夜登孔伯昭南樓時沈太清宋鼎在座

誰家無風月此地有琴樽山水會稽郡詩書孔氏門再  
來值秋杪高閣閑無喧華燭罷然螭清絃方奏鶉沈侯



隱公胤朱子買臣孫好我意不淺登茲同話言

奉先張明府休沐還鄉海亭宴集探得堦字

自君理畿甸余亦經江淮萬里音書斷數年雲雨乖歸來休滯日始得賞心諧先緩恩難重滄洲趣每懷樹低新舞閣山對舊書齋何以發秋興陰虫鳴夜堦

臨瀛裴明府席遇張十一房六

河縣柳林邊河橋晚泊舡文叨才子會官憲故人連笑語同今夕輕肥異往年晨風理歸棹吳楚各依然

夏日與崔二十一同集衛明府席

言避一時暑池亭五月開憲逢金馬客同飲玉人盃舞鸛乘軒至遊魚擁劒來坐中殊未起簫管莫相催

盧明府早宴張郎中海園即事得秋字

邑有弦歌宰翔鸞已狎鷗眷言華省舊暫拂海池遊鱗島藏深竹前溪對舞樓更聞書郎事雲物是新秋

宴包二融宅

閑居枕清洛左右接人野門庭無雜賓車轍多長者是時方盛夏風物自蕭洒五月休沐浴相携竹林下開襟成懽趣對酌不能罷煙暝栖鳥迷余將歸白社

宴張記室宅

甲第金張館門庭車騎多家封漢陽郡文會楚村過曲島浮觴酌前山入詠歌妓堂花映發書閣柳逶迤玉指調箏柱金泥飾舞羅寧知書劍者歲月獨蹉跎

白雲先生迴歌曰

屈宋英聲今止已江山繼嗣多才子子懷者子今盡相似



聚宴王家其樂矣共賦新詩發宮徵書子屋壁彰厥美  
消明日宴梅道士房

林卧愁春盡開軒覽物華忽逢青鳥使邀我赤松家金  
竈初開火仙桃正落花童顏若可駐何惜醉流霞

寒食張明府宅宴

瑞雪初盈尺閑宵始半更列筵邀酒伴刻燭限詩成香  
炭金爐暖嬌絃玉指清醉來方欲卧不覺曉鷄鳴

襄陽公宅飲

窈窕夕陰佳芊茸春色好欲覓淹留處無過狹斜道倚  
席卷龍鬚香極浮瑪瑙北林積脩樹南池生別島手撥  
金翠花心迷玉紅草談天光六義發論明三倒座非陳  
子驚門還魏公掃榮華應無間歡娛當共保

韓大使東齋會岳上人諸學生

郡守虛陳榻林閑召楚材山川祈雨畢品物憇晴開枕  
禮尊維掖臨流揖渡杯徒攀朱仲李更薦和羹梅翰墨  
緣情製高深以意裁滄洲趣不遠何必問蓬萊

途中九日懷襄陽

去國似如昨倏然經杪秋峴山不可見風景令人愁誰  
採籬下菊應閑池上樓宜城多美酒歸與葛強遊

初年樂城館中卧疾懷歸作

異縣天隅僻孤帆海畔過往來鄉信斷留滯客情多  
月聞雷震東風感歲和蟄虫驚戶穴巢鵲眄庭柯徒對  
芳樽酒其如伏枕何歸來理舟楫江海正無波

初出閔懷王大校書



向夕槐煙起，蕊龍池館曛。客中無偶坐，閑外惜離群。燭  
至螢光滅，荷枯雨滴聞。永懷蓬閣友，寂寞帶楊雲。

早寒江上有懷

木落鴈南渡，北風江上寒。我家襄水上，遙隔楚雲端。鄉  
淚客中盡，孤帆天際看。迷津欲有問，平海夕漫漫。

夏日南亭懷辛大

山光忽西落，池月漸東上。散髮承夕涼，開軒卧閑敞。荷  
風送香氣，竹露滴清響。欲取鳴琴彈，恨無知音賞。感此  
懷故人，中宵勞夢想。

除夜有懷

五更鍾漏欲相催，四氣推遷往復迴。帳裏殘燈纔去焰，  
爐中香氣盡成灰。漸看春逼芙蓉枕，頓覺寒消竹葉杯。

守歲家家應未卧，相思那得夢魂來。

秋宵月下有懷

秋空明月懸，光彩露沾濕。驚鵲栖未定，飛螢卷簾入。庭  
槐寒影疎，隣杵夜聲急。佳期曠何許，望望空佇立。

閑園懷蘇子

林園雖少事，幽獨自多違。向夕開簾坐，庭陰落影微。鳥  
過煙樹宿，螢傍水軒飛。感念同懷子，京華去不歸。

傷峴雲表觀主

少子學書劍，秦吳多歲年。歸來一登眺，陵谷尚依然。豈  
意食霞客，溘隨朝露先。因之問閭里，把背幾人全。

賦得盈盈懷上女

夫聳久離別，青樓空望歸。粧成卷簾坐，愁思懶縫衣。燕



子家家入楊花處處飛空床難獨守誰爲報金徽  
春意

佳人能畫眉粧罷出簾帷照水空自愛折花將遺誰春  
情多艷逸春意倍相思愁心極楊柳一動亂如絲

憶孟六

王維

故人今不見日夕漢江流借問襄陽老江山空蔡州

憶張野人

與君園廬並微尚頗亦同耕釣方自逸壺觴趣不空門  
無俗士駕人有上皇風何必先賢傳唯稱龐德公

南山與卜老圃種瓜

樵牧南山近林間北郭賒先人留舊業老圃作隣家不  
種千株橘唯田五色瓜邵平能就我開徑有蓬麻

田家元日

昨夜斗迴北今朝歲起東我來已強仕無祿唯尚農桑  
野就耕父荷耒隨牧童田家占氣候共說此年豐

裴司士負司戶見尋

府寮能枉駕喜醞復新開落日池上酌清風松下來厨  
人具鷄黍稚子摘楊梅誰道山公醉猶能騎馬迴

李少府與楊九再來

弱歲早登龍今來熹再逢何如春月柳猶憶歲寒松煙  
火臨寒食笙歌達曙鍾喧喧聞鷄道行樂羨明從

樵采作

採樵入深山山深樹重疊橋崩卧槎擁路險垂藤接日  
落伴將稀山風拂薜衣長歌負輕策平野望煙歸



仲夏歸漢南園寄京邑舊遊

嘗讀高士傳最嘉陶徵君日覩田園趣自謂羲皇人余  
復何爲者恹恹徒問津中年廢丘壑十上旅風塵忠欲  
事明主孝思侍老親歸來當炎夏耕稼不及春扇枕北  
窓下採芝南澗濱因聲謝同列吾慕潁陽真

歲晚歸南山

北闕休上書南山歸弊廬不才明主弃多病故人疎白  
髮催年老青陽逼歲除永懷愁不寐松月夜堂虛

尋張五迴夜於園作

聞說龐公隱移居近澗湖興來林是竹歸卧令名愚掛  
席慙風便開軒琴月孤歲寒何用賞霜露故園蕪

同廬明府餞張郎中除義王府司馬就張瓜海

作

上國星河列賢王甲第開故人分職去潘令寵行來冠  
蓋趨梁苑江山失楚材預愁軒騎動賓客散池臺

送王吾昆季覲

公子戀庭闈芳歌步海沂水乘舟楫去親望老萊歸斜  
日催飛鳥清江照綵衣平生急難意遙仰鵲鳩飛

澗南郎事貽皎上人

弊廬在郭外素產唯田園左右林野曠不聞朝市喧釣  
竿垂北澗樵唱入南軒書取幽棲事將尋靜者論

過融上人蘭若

山頭禪室挂僧衣窓外無人溪鳥飛黃昏半在下山路  
却聽松聲戀翠微



李氏園卧疾

我愛陶家趣園林無俗情春雷百果拆寒食四隣清伏  
枕嗟公幹歸山羨子平年年白社客空滯洛陽城

過故人庄

故人具雞黍邀我至田家綠樹村邊合青山郭外斜開  
筵面場圃把酒話桑麻待到重陽日還來就菊花

同曹三御史汎湖歸越

秋入詩人意巴歌和者稀汎湖同逸旅吟會是思歸白  
簡徒推薦滄洲已拂衣杳冥雲海去誰不羨鴻飛

西山尋辛諤

淶舟尋水便因訪故人居落日清川裏誰言獨羨魚石  
潭窺洞徹沙岸歷紆餘竹嶼見垂釣茅齋聞讀書欸言

志景夕清興屬涼初回也一瓢飲賢哉常晏如

陪張丞相登嵩陽樓

獨步人何在嵩陽有故樓歲寒問耆舊行縣擁諸侯林  
莽北彌望沮漳東會流客中遇知己無復越鄉愁

晚春

二月湖水清家家春鳥鳴林花掃更落遙草蹈還生酒  
伴來相命開罇共解醒當盃已入手歌妓莫停聲

聞裴侍御朮自襄州司戶除豫州以投寄

故人經河楮尚有栢臺威移職自樊衍芳聲聞帝畿昔  
予卧林巷載酒過柴扉松菊無時賞鄉園欲懶歸

登峴亭寄晉陵張少府

峴首風湍急雲帆若鳥飛憑軒試一問張翰欲來歸



送王宣從軍

才有幕中士寧無塞上勲  
隆兵初滅虜王粲始從軍  
旌旆邊庭去山川地脉分  
平生一七首感激贈夫君

送從弟邕下第後尋會稽

疾風吹征帆修爾向空沒  
千里在俄頃三江坐超忽  
向來共歡娛日夕成楚越  
落羽更分飛誰能不驚骨

與王昌齡宴王十一

歸來卧青山嘗魂在青都  
漆園有傲吏惠縣在招呼  
書幌神仙錄畫屏山海圖  
酌霞後對此苑似入蓬壺

白雲先生王迥見訪

閑歸日無事雲卧晝不起  
有客款柴扉自云巢居子  
居閑好芝朮採藥來城市  
家在鹿門山常遊澗澤水  
手持

白羽扇脚步青芒履聞道鶴書徵  
臨流還洗耳

田園作

弊廬隔塵喧唯先尚恬素  
卜隣近三徑植果盈十樹  
粵余任推遷三十猶未遇  
書劍時將晚立園日已暮  
晨興日多懷晝坐常寡悟  
冲天羨鴻鵠爭食嗟雞鶩  
望斷金馬門勞歌採樵路  
鄉曲無知己朝端乏親故  
誰能爲楊雄一薦甘泉賦

上巳日澗南園期王山人陳七諸公不至

搖艇候明發桃源弄晚春  
在山懷綺季臨漢憶思陳  
上巳期三日浮盃興十春  
坐歌空有待行樂恨無隣  
日晚蘭亭北煙開曲水濱  
浴蚕逢姹女採艾值幽人  
石壁堪題序沙場妙解神  
群公望不至虛擲此芳辰



建德江宿

移舟泊煙渚日暮客愁新野曠天低樹江清月近人

孟浩然詩集卷第三





